



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბაბანურის სახელმწიფო ნაკრძალი

ბაბანურის სახელმწიფო ნაკრძალი, ნაკრძალი ახმეტის მუნიციპალიტეტში, სოფ. ბაბანურსა და არგოხთან, კავკასიონის მთავარი ქედის კალთების ძირში, მდ. ალაზნის ნაპირებზე, ზ. დ. 439–600 მ.

დაარსდა 1950 მესამეული პერიოდის რელიქტის - ძელქვის იშვიათი მასივის დაცვა-შემონახვის მიზნით. 2003-იდან ბანარა-ბაბანური დაცული ტერიტორიების შემადგენლობაშია. ფართობი 770 ჰა. ძელქვა იზრდება როგორც ცალკე კორომად, ისე კავკასიურ რცხილასა და ჯაგრცხილასთან ერთად; შერეულია აგრეთვე მუხა, ნეკერჩხალი და სხვ. ქვეტყეს ქმნის კუნელი, კვიდო, შინდანწლა, ზღმარტლი, ასკილი. გარდა მრავალი სახეობის ფრინველისა, ნაკრძალში ბინადრობენ ძუძუმწოვრებიც – შველი, თეთრყელა კვერნა, მელა და სხვ.

კ. მამისაშვილი
